

\_\_\_\_\_  
/თ. დარჩიძე/

ა(ა)იპ - „საქართველოს ეროვნული

ბოტანიკური ბაღის“ დირექტორი

არასამეწარმეო (არაკომერციული) იურიდიული პირის -

„საქართველოს ეროვნული ბოტანიკური ბაღის“

დამთვალეიერებლებისათვის (ვიზიტორებისათვის)

ქცევისა და ზოგადი უსაფრთხოების წესები

### მუხლი I

#### ზოგადი დებულებები

1. წინამდებარე დოკუმენტით განსაზღვრულია არასამეწარმეო (არაკომერციული) იურიდიული პირის - „საქართველოს ეროვნული ბოტანიკური ბაღის“ (შემდგომში - ბაღი) დამთვალეიერებლებისათვის (ვიზიტორებისათვის) ტერიტორიაზე ქცევისა და ზოგადი უსაფრთხოების წესები.
2. ბაღის დამთვალეიერებელი (ვიზიტორი) არის ბაღის ტერიტორიაზე მყოფი პირი, რომელიც ბაღის ტერიტორიაზე შემოვიდა სალარო პუნქტის გავლითა და სათანადო აღრიცხვით.
3. წინამდებარე დოკუმენტით განსაზღვრული წესები, აკრძალვები და შეზღუდვები ვრცელდება ბაღის მთელ ტერიტორიაზე.
4. ქცევისა და ზოგადი უსაფრთხოების წესების დაცვა სავალდებულოა ბაღის ტერიტორიაზე მყოფი ყველა დამთვალეიერებლისათვის (ვიზიტორისათვის).

### მუხლი II

#### ბაღის ტერიტორიაზე ქცევისა და ზოგადი უსაფრთხოების წესები

1. ბაღის ტერიტორიაზე გადაადგილება ნებადართულია მხოლოდ ცენტრალურ სამანქანო გზებზე (ტურისტულ მარშრუტებზე), სპეციალური ნიშნით აღნიშნულ ბილიკებზე და იმ უბნებზე, სადაც განთავსებულია საინფორმაციო დაფები და მანიშნებლები.

2. ბალის დამთვალეიერებელმა (ვიზიტორმა) ბაღში ყოფნის მთელი პერიოდის განმავლობაში თან უნდა იქონიოს ბალის ტერიტორიაზე ყოფნის დამადასტურებელი დოკუმენტი (სალაროს მიერ გაცემული ბილეთი) და მოთხოვნის შემთხვევაში, უნდა წარუდგინოს დაცვისა და უსაფრთხოების სამსახურის წარმომადგენელს.
3. დამთვალეიერებელმა (ვიზიტორმა) ბალის ტურისტული მარშრუტები უნდა გაიაროს ყურადღებით, მკვეთრი მოძრაობების გარეშე. ვიზიტორთა ჯგუფმა უნდა იმოძრაოს ხმაურის გარეშე, რთულ რელიეფზე ჯგუფის წევრთა შორის დისტანციის დაცვითა და ნელი სვლით.
4. ბალის რთული რელიეფური პირობების გამო, ქვათა ცვენის უბნებში აკრძალულია სპეციალური ნიშნით, დაფით, დროებითი აღნიშვნით ან უსაფრთხოების ლენტით შემოსაზღვრულ ტერიტორიაზე შესვლა, კლდესთან და კლდენაშალების ადგილებში ყოფნა და გაჩერება.
5. ქვეწარმავლებისგან თავის დაცვის მიზნით სასურველია დამთვალეიერებელი (ვიზიტორი) გადაადგილდეს მხოლოდ ტურისტულ მარშრუტებზე და ბილიკებზე. ისეთ ადგილებში პიკნიკის, დასვენების და კემპინგის ორგანიზება, სადაც არ არის სპეციალური აღმნიშვნელი ნიშანი ან/და მასზე არ არის განთავსებული და მოწყობილი შესაბამისი ინფრასტრუქტურა, არ შეიძლება.
6. ქვეწარმავლის მიერ დაკბენის შემთხვევაში პირი დაუყოვნებლივ უნდა დაუკავშირდეს საგანგებო სიტუაციების სამსახურს ნომერზე 112, აგრეთვე, მის ხელთ არსებული ნებისმიერი შესაძლებლობით ფაქტის შესახებ აცნობოს მის სიახლოვეს მყოფ ნებისმიერ პირს.
7. ქვეწარმავლის (გველის) მიერ დაკბენის შემთხვევაში სასწრაფო სამედიცინო დახმარების ჯგუფის მოსვლამდე პირველადი სამედიცინო დახმარების გაწევის მიზნით საჭირო სამედიცინო ყუთი ინახება დაცვისა და უსაფრთხოების სამსახურის ცალკეულ პუნქტებზე, რომელთა მდებარეობა აღნიშნული უნდა იყოს ტურისტულ რუკაზე.
8. დამთვალეიერებელმა (ვიზიტორმა) განსაკუთრებული ყურადღებით უნდა იმოძრაოს ბალის ტერიტორიის სამანქანო გზებზე, სადაც მოძრაობს სამეურნეო და სპეციალური დანიშნულების სატრანსპორტო საშუალებები.
9. აკრძალულია ხე-მცენარეებზე, ბუჩქებსა და ხვიარა მცენარეებზე ასვლა, ჩამოჯდომა და მცენარეზე ყოველგვარი ფიზიკური ზემოქმედება.
10. დამთვალეიერებელმა (ვიზიტორმა) უნდა გაითვალისწინოს, რომ მცენარეების სურნელი, მათი მტვერი და მათთან შეხება განსხვავებულად მოქმედებს ადამიანის ჯანმრთელობასა და მის იმუნურ სისტემაზე. ზოგიერთ მცენარეს გააჩნია ალერგიის გამომწვევი თვისებები, ასევე ბაღში არსებობს შხამიანი მცენარეები, რომლებსაც გააჩნიათ სათანადო აღნიშვნები.
11. ძლიერი ქარის, დიდთოვლობის ან/და ხე-მცენარეების ტოტების ჩამოტეხვის ნებისმიერი საშიშროების დროს დამთვალეიერებელი (ვიზიტორი) ვალდებულია განერიდოს დიდტანოვან ხე-მცენარეებს და იმოძრაოს ტერიტორიის ღია სივრცეების მიმართულებით (დიდი ზომის ხე-მცენარეებისაგან თავისუფალი ტერიტორიებისაკენ).
12. ძლიერი წვიმის დროს აკრძალულია ბალის კლდოვან და ციცაბო ფერდობებთან გაჩერება და გადაადგილება.
13. ძლიერი წვიმის დროს, რომელსაც თან ახლავს ელვა და ჭექა-ქუხილი აკრძალულია ბალის კლდოვან და ციცაბო ფერდობებთან, ელექტრო ენერჯის გადამცემ ანძებსა და ხაზებთან, დიდტანოვან ხე-მცენარეებთან გადაადგილება.

14. ბალის ტერიტორიაზე სასმელ წყლად რეკომენდირებულია მხოლოდ იმ წერტილების გამოყენება, რომელიც აღნიშნულია ტურისტულ რუკაზე. ბალის ცალკეულ ტერიტორიებზე არსებული სარწყავი ონკანებიდან, მდინარეებიდან, ბუნებრივი წყაროებიდან და ა.შ მიღებული წყლის სასმელ წყლად გამოყენება არ არის რეკომენდირებული და ადმინისტრაცია გამოწვეულ ზიანზე პასუხს არ აგებს.

15. დამთვალეირებელმა (ვიზიტორმა) ბალის ტერიტორიაზე არ უნდა გამოიყენოს ადვილად აალებადი, ცეცხლსაშიში და ხანძრის გამომწვევი მასალები და ნივთიერებები. ბალის ტერიტორიაზე აკრძალულია კოცონის დანთება და ანთებული სიგარეტის დატოვება.

16. დამთვალეირებელს (ვიზიტორს) ეკრძალება ბალის ტერიტორიაზე არსებული სამუშაო ინვენტარის, მოწყობილობების, მექანიზაციის, ტექნიკის და სხვა სატრანსპორტო საშუალებების ადმინისტრაციის ნებართვის გარეშე დაუფლება. აღნიშნულით გამოწვეულ ზიანზე პასუხისმგებლობა განისაზღვრება მოქმედი კანონმდებლობის შესაბამისად.

### მუხლი III

#### აკრძალული ქცევები

1. ბალის ტერიტორიაზე აკრძალულია:

ა) ტერიტორიის დაბინძურება;

ბ) ალკოჰოლური სასმელების შემოტანა, ალკოჰოლური თრობა,

გ) კოცონის დანთება;

დ) წყალში (მდინარე, ჩანჩქერი, ტბორი, დეკორატიული და წყალშემკრები აუზები) შესვლა;

ე) მცენარეების დაზიანება (მოჭრა, ამოღება, მცენარის ნაწილის მოწყვეტა, მცენარის ყავავილისა და ნაყოფის შეგროვება, მცენარეზე ასვლა, ნებისმიერი ზემოქმედება, ნაწერების გაკეთება;

ვ) თევზაობა და ნადირობა;

ზ) ხმაური, ხმამაღალი მუსიკა და ტურისტული მარშრუტების გადაკეტვა;

თ) ველოსიპედით, გორგოლაჭებით (ე.წ. როლიკები) და სასრიალო ფიცრით (ე.წ. "სკეტბორდი") გადაადგილება;

ი) სპორტული აქტივობები, რომელიც აფერხებს ტურისტულ მარშრუტზე გადაადგილებას ან/და იწვევს წინამდებარე დოკუმენტით განსაზღვრული უსაფრთხოების წესების დარღვევას;

კ) სალარო პუნქტის დახურვიდან 1 საათის შემდგომ პერიოდში სეირნობა;

2. ბალის ტერიტორიაზე, ადმინისტრაციის თანხმობის გარეშე, აკრძალულია:

ა) მცენარეების, ჰერბარიუმის, თესლისა და კალმის აღება;

ბ) პროფესიული კინო, ვიდეო და ფოტოგადაღება;

გ) კორპორატიული პიკნიკის, ღონისძიებებისა და ჯგუფური აქტივობების გამართვა;

დ) სატრანსპორტო საშუალებებით გადაადგილება.

## თავი IV

### უსაფრთხოების მონიტორინგი

1. დამთვალეირებელთა (ვიზიტორთა) უსაფრთხოების უზრუნველყოფის მიზნით, წინამდებარე დოკუმენტით განსაზღვრული ქცევის ზოგადი წესები და მითითებები, ასევე შემთხვევის დადგომისას საკონტაქტო ინფორმაცია განთავსებულია ბაღის ყველა შემოსასვლელთან.
2. დაცვისა და უსაფრთხოების სამსახურის მიერ ბაღის სრულ ტერიტორიაზე ხორციელდება მონიტორინგი, რომელიც, თავის მხრივ, გულისხმობს დამთვალეირებლების (ვიზიტორების) ბაღის ტერიტორიაზე ყოფნის უფლების შემოწმებას სალაროს მიერ გაცემული ქვითრის შემოწმების გზით.
3. ბაღის ტერიტორიაზე დაკარგულ ნივთებზე ბაღის ადმინისტრაცია პასუხს არ აგებს.
4. ბაღში მყოფი დამთვალეირებლების (ვიზიტორების) უსაფრთხოებასთან დაკავშირებულ ნებისმიერ საკითხზე მოქალაქე დაუყოვნებლივ უნდა დაუკავშირდეს ბაღის დაცვისა და უსაფრთხოების სამსახურს ნომერზე +995322 72 50 07, ასევე, ბაღის ადმინისტრაციას (სამუშაო საათებში 09:00 სთ-დან -18:00 სთ-მდე) ნომერზე +995 322 72-43-06.
5. თუ დამთვალეირებლის (ვიზიტორის) მიერ გამოვლინდა წინამდებარე დოკუმენტის განსაზღვრული წესების დარღვევა, დაცვისა და უსაფრთხოების სამსახური უფლებამოსილია მას მოსთხოვოს ბაღის ტერიტორიის დატოვება. საჭიროების შემთხვევაში, შესაძლებელია გამოძახებული იქნეს სამართალდამცავი ორგანოების წარმომადგენლები.